

ՎԱՀԱՆ ՏՈՏՈՄՅԱՆՑԻ ՏԵՏԵՍԱԳԻՏԱԿԱՆ ՀԱՅԵՑՈՒԹՅՈՒՆԸ

Ռ. Ն. ՍԱՐԻՍՅԱՆ

Վահան Տոտոմյանցը դարասկզբի հայ տնտեսագիտական մտքի նշանավոր անուններից է։ Նա բեղմնավոր գրիչ ուներ։ Կոոպերացիայի վերաբերյալ բազմաթիվ աշխատությունները հեղինակին լայն ճանաչում էին բերել ինչպես Ռուսաստանում, այնպես էլ Եվրոպական երկրներում։ Ընդհանրացումներն ու փաստական վերլուծությունները Վ. Տոտոմյանցին դարձրին կոոպերատիվ մտքի հիշարժան տեսաբաններից մեկը։

Տնտեսական և սոցիալական ներհակությունների պրոբլեմը միշտ էլ ուղեկցել է հասարակության զարգացմանը և հասարակական միտքը միշտ էլ փորձել է լուծել կնճռոտ հարցերը։ Առաջադրվել են ուսմունքներ ու ծրագրեր, որոնք միտում ունեին հարթելու այդ ներհակությունները պայմանավորող հանգույցները։ Դրանց իրագործման կոնկրետ հնարավորություններն ու գաղափարական միտումները պայմանավորում էին այդ ուսմունքների ուսուցիական կամ իրական բնույթը։ Վ. Տոտոմյանցը տարբեր առիթներով անդրադարձել է տնտեսական և սոցիալական ուսմունքների քննությանը։ Նրա կարծիքով ուսուցիական ուսմունքներն իբրև այդպիսին սկզբնավորվում են Թոմաս Մորով, որի աշխատությունը հանդիսանում է ոչ թե «գոյություն ունեցողի բարելավման Պլատոնի փիլիսոփայական դեղատոմսը, այլ գոյություն ունեցող պետությունից ֆանտաստիկական նկարագիրը»¹։ Վ. Տոտոմյանցը չի համաձայնում գերմանացի պրոֆեսոր Ա. Ֆոյգտի այն սխեմային, ըստ որի ուսուցիական ձևն ինչպես Ս. Սիմոնի, Շ. Ֆուրյեի և Ռ. Օուենի ուսմունքները, հողի ազգայնացման վերաբերյալ Հենրի Զորչի ծրագիրը, այնպես էլ դիտական սոցիալիզմը։ Նրա կարծիքով, եթե առաջադրված այս կամ այն ուսմունքի դրույթները փորձով ստուգվում և հաստատվում են, ապա այն ուսուցիական կոչվել չի կարող։ Եվ որքան էլ ուսուցիական լինեն «նոր տնտեսական ու իրավական սկզբունքներով հասարակական և պետական ամբողջական «կերակուցման» վերաբերյալ Թ. Մորի, Թ. Կամպանելայի, Բ. Գերցկի, Զ. Ռեակինի «սոցիալական դրախտի» և կոմունիստական գաղութների այլ նախագծումները, դրանք բխում են առկա հասարակական-տնտեսական հարաբերությունների վերափոխման միտումից։ Վ. Տոտոմյանցը թեև նկատում էր Թ. Մորի ու Թ. Կամպանելայի հումանիստական գաղափարների և ուսուցիստ-սոցիալիստների հայացքները միացնող կապերը, այնուամենայնիվ, վերջիններիս դնում էր այլ առանցքի վրա։ Ուսուցիստ սոցիալիստները և հատկապես Շ. Ֆուրյեն նրան հետաքրքրել են կոոպերացիաների հետ ունեցած առնչություններում։ Եթե Անգլիայում կոոպերատիվ գաղափարների զարգացումը նա կապում էր «հանճարեղ» Ռ. Օուենի անվան հետ, որի աշխատավորության նյութական և հոգեկոթ մակարդակների բարձրացման նախագծումները համընդհանուր ճանաչում ստացան իր իսկ կենդանության օրոք, ապա Շ. Ֆուրյեն ըստ արժանվույն չգնահատվեց։ Եվ դա այն պատճառով, որ նա ժամանակակիցների կողմից չընկալվեց ամենայն խորությամբ և որ նրա գաղափարական խորհրդանիշը շատ ավելի առաջ էր անցել իր ժամանակից։ «Ֆուրյեի հետ կատարվեց այն,— նշել է Վ. Տոտոմյանցը,— ինչ սովորաբար լինում է հանճարների հետ. որքան բարձր են նրանց մտածողությունն ու կանխատեսումները, այնքան քիչ են ըմբռնվում ժամանակակիցների կողմից։ Ռոբերտ Օուենի գործունեությունն առավել արգասաբեր և հանրաճանաչ էր այն պատճառով, որ այն տեղ գտավ

¹ В. Ф. Тотомьянц, Утопии, М., 1917, с. 2.

մի երկրում, որտեղ կապիտալիզմի զարգացումն անհամեմատ վաղ ճանապարհ բացեց խոշոր ռեֆորմների համար, քան Ֆրանսիայում: Ընդ որում, Օուենն ամենից առաջ պրակտիկ էր և տնօրինում էր մեծ կապիտալ՝ իր ձեռնարկումների համար: Միայն նյու-լանարկի պրակտիկ փորձերից հետո... նա հասարակության առաջ հանդես եկավ որպես տեսաբան²: Սակայն Ռ. Օուենի և Շ. Ֆուրյեի ուսմունքները մի ընդհանրություն ունեին, այն, որ համընդհանուր տնտեսական պայքարն ու մրցակցությունը պետք է փոխարինվեն մարդկանց համերաշխ համագործակցությամբ ու արդարության ձգտումով:

Շ. Ֆուրյեի տնտեսական և սոցիալական սիստեմի իրականացման անհնարինությունը թելադրված էր Ֆրանսիայի տնտեսական և քաղաքական պայմանների պարտագրող ուժով: Այս առումով Շ. Ֆուրյեն ծնվել է ժամանակից շուտ: Ահա թե ինչու, եզրակացնում է Վ. Տոտոմյանցը, Շ. Ֆուրյեի երկրում թիչ հենակետեր կային նրա տեսական հայացքների համար: Անտարակույս, ֆրանսիական հեղափոխության ազդեցությունը Շ. Ֆուրյեի վրա հսկայական է. եղել և՛ նյութական, և՛ գաղափարական առումով: Վ. Տոտոմյանցը տեղին է նկատում, որ վրիպում են այն հեղինակները, ովքեր հեղափոխության ժամանակ Շ. Ֆուրյեի նյութական կորուստների հարցը բարձրացնում են ծայրահեղության, փորձելով դրանով էլ բացատրել վերջինիս բացասական վերաբերմունքը հեղափոխությունների նկատմամբ, հետևապես նաև նրա հայացքների համակարգը: «Իսկ ինչ վերաբերում է հեղափոխությունների նկատմամբ նրա դատապարտական վերաբերմունքին, — գրում է Վ. Տոտոմյանցը, — ապա դրա պատճառը շատ ավելի խորն է: Միանգամայն կիսելով 1789 թվականի դեմոկրատական սկզբունքները, Ֆուրյեն միաժամանակ ամեն մի բռնակալական միջոցների ուժգին հակառակորդ էր³: Անդրադառնալով ֆրանսիական հեղափոխության և Շ. Ֆուրյեի հայացքների կապի խնդրին, Ա. Հովհաննիսյանը ցույց է տվել վերջինիս ձևավորման բարդ անցումները: Ֆրանսիայի սոցիալ-տնտեսական կացությունն արդեն XVIII դ. վերջերին ստեղծել էր մի ամբողջ «ասոցիատիվ» ուղղություն, «րի պսակը դարձավ Շ. Ֆուրյեի ուսմունքը, իսկ լիոնն այն կոնկրետ հասարակական միջավայրն էր, որը նրան դրդեց հասարակական նոր իդեալների որոնմանն ու պայմանավորեց դրա սոցիալական մտադրությունի բովանդակությունը»:

Վ. Տոտոմյանցի կարծիքով կապիտալիստական հասարակարգի ներհակությունները ոչ ոք այնքան փայլուն չի լուսաբանել, որքան Շ. Ֆուրյեն: Ո՛չ XVIII դ. ֆրանսիական էնցիկլոպեդիստների ու լուսավորիչների հայեցությունը, ոչ էլ քաղաքատնտեսությունը (որի նկատմամբ Շ. Ֆուրյեն ընդհանրապես բացասական վերաբերմունք ուներ), որը ոչ այլ ինչ էր, քան «նոր արդյունաբերական և առևտրական դարի» դրվատանքը և «ճգնավորական բարոյականության փոխակերպումն իր իսկ հակադրությանը», չէին համապատասխանում սոցիալական կառուցվածքի նրա նախասիրություններին: Եվ ահա 1808 թ. հրատարակվում է Շ. Ֆուրյեի «Զորս շարժումների տեսությունը» աշխատությունը, որը Վ. Տոտոմյանցի կարծիքով նրա սոցիալական սիստեմի համառոտ շարադրանքն էր: Տնտեսագետը նկատում է, որ «զարմանալիորեն նուրբ և հաջողված դիտողականության» հետ մեկտեղ այն պարունակում է նաև «միամիտ ու ֆանտաստիկ պնդումներ»: Ըստ Վ. Տոտոմյանցի, եթե աշխարհի ծագման Շ. Ֆուրյեի հայեցությունը խորսխվում է «աբսոլյուտալիզմի ավանդույթների» վրա, ապա կործանման մասին գաղափարները և՛ ակիւ-ունենին Կանտի և Լավուաի էվոլյուցիոն տեսությունը և որ «սոցիալական դարձացման պատմական աստիճանների վերաբերյալ Ֆուրյեի դատողությունները»⁶ պետք է խստորեն դիտարկվեն: Սակայն պատմության վերաբերյալ Շ. Ֆուրյեի հայեցության մեջ ուրվագծվում է հասարակության զարգացման դիալեկտիկան,

² В. Ф. Тотомианц, Шарль Фурье и кооперация, М., 1918, с. 1.

³ Նույն տեղում, էջ 2:

⁴ А. Р. Иоаннисян, Генезис общественного идеала Фурье, М., 1939, с. 44.

⁵ В. Тотомианц, Шарль Фурье и кооперация, с. 3.

⁶ Նույն տեղում, էջ 6:

որպես ցածրից դեպի բարձր աստիճանն ընթացող պրոցես, որն ունի ինչպես իր սկիզբը, այնպես էլ վերջը⁷։ Ֆ. էնգելսը գրել է, թե «Նույնպես դիալեկտիկորեն նա (Ֆուրյեն— Ռ. Ս.) պնդում է, ի հակակշիռ մարդու կատարելագործման անսահման ընդունակության վերաբերյալ ֆրազների, որ պատմական յուրաքանչյուր ֆազիս ունի իր վերընթաց ու վարընթաց գիծը, և իր այդ հայացքը նա է՝ և վելի է զարգացնում ամբողջ մարդկության ապագայի նկատմամբ։ Կանտի նման, որը բնագիտության մեջ մտցրեց երկրագնդի ապագա կործանման գաղափարը, Ֆուրյեն պատմության իր ըմբռնման մեջ մտցրեց մարդկության ապագա կործանման միտքը»⁸։

Վ. Տոտոմյանցը թեև տարակուսանք է հայտնում Շ. Ֆուրյեի հասարակաշինության նախագծի վերաբերյալ, այնուամենայնիվ, դրանում նշում է նաև օգտակար և կիրառության համար պիտանի որոշ կողմեր։ Շ. Ֆուրյեին նա մեծարում է որպես սոցիալական քննադատի, որն այնքան վարպետությամբ ու խորությամբ բացահայտել է կապիտալիստական հարաբերությունների իրական բովանդակությունը։ Երբ Շ. Ֆուրյեն «պատմական անորոշ վարկածներից կանգնում է ժամանակակից հիմքի վրա, հատկապես առանձնանում է նրա քննադատական և անալիտիկ բնույթի բացառիկ տաղանդը։ Նա շատ հեշտությամբ ապացուցում է, որ իր ժամանակակիցների հսկայական մեծամասնությունը տառապում է այն հաստատություններից և տնտեսական պայմաններից, որոնցում ապրում է»⁹։ Վ. Տոտոմյանցը, մեծարելով ֆալսետերների վերաբերյալ Շ. Ֆուրյեի ուսմունքը և անդրադառնալով դրանց ներքին կառուցվածքի մանրամասներին, միաժամանակ խոսում է այդ հաստատությունների անկատարության ու ներքին հակասության մասին։ Սակայն կարևորը ոչ այնքան դա է և ոչ էլ ֆալսետերների իրագործման պրակտիկ անհնարինությունը, որքան այդ ուսմունքի ներքին ուղղվածությունը՝ վերափոխելու տնտեսական ու սոցիալական առկա հարաբերությունները։ Սա է այն գերագույն սկզբունքը, որի վրա Շ. Ֆուրյեն ձևում է իր հայեցողությունն ապագա հասարակության վերաբերյալ։ Ուշագրավ է, թե այս առումով Վ. Տոտոմյանցը ինչպես է բնութագրում ֆրանսիացի մեծ ուտոպիստ-սոցիալիստին։ «Շարլ Ֆուրյեն,— գրել է նա,— իբրև սուրբ ապագայի մարգարե, իրեն պսակել է անթափանց փառքով։ 19-րդ հարյուրամյակի շեմին նրա կենդանի և արգասաբեր ոգին բոլոր ուղղություններով թափանցում է մութ շրջապատի։ Սոցիալական շարժումն արդեն վաղուց ի վեր և մինչև վերջին ժամանակներս կուտարական բոլոր երկրներում նրան համարում է ամենատաղանդավոր ներկայացուցիչներից մեկը»¹⁰։ Նա վկայակոչում է ժան Ժորեսի այն խոսքերը, որ «այն ժամին, երբ նապոլեոնը երազում էր սրի միջոցով ստեղծել մարդկանց համախմբություն, այն ժամին, երբ նրա մեծ հակառակորդ Անգլիան իր հերթին երազում էր այդ համախմբությունը ստեղծել առևտրական գերիշխանությամբ, այն ժամին, երբ հրանոթի մոտ վիճարկվում էր իշխանությունը մարդկության վրա, որն ազատագրվել էր նախօրեին և ընկել նոր ստրկության մեջ, այդ ժամանակ Ֆուրյեն երազում էր մարդկանց համախմբության մասին, որը պիտի իրագործվեր ոչ թե ռազմական բռնության ուղիով, առևտրական շահագործման, ֆրանսիական դաժանության կամ անգլիական շարժիականության ու խորամանկության, այլ ազատ անհատների ասոցիացիաների ընդլայնման միջոցով...»¹¹։

Վ. Տոտոմյանցի դավանանքը Շ. Ֆուրյեի ուսմունքի հետ եզրեր է հայտարարում այն ուղեգծերում, որոնք իբրև սոցիալական ռեֆորմատորի առնչվում են կոոպերատիվ շարժման հետ։

1915 թ. մարտին Կիևի համալսարանի իրավաբանական ֆակուլտետը

⁷ Шарль Фурье, Избр. соч., т. 3, М., 1954, с. 94.

⁸ Ֆ. էնգելս, Սոցիալիզմի զարգացումը ուտոպիայից դեպի գիտություն, Երևան, 1953, էջ 51։

⁹ В. Тотомиянц, Шарль Фурье и кооперация, с. 7.

¹⁰ Նույն տեղում, էջ 16։

¹¹ Նույն տեղում։

Վ. Տոտոմյանցին «Աշխատանքի հաշտեցումը կապիտալի հետ (մասնակցությունը շահույթին և կոպարտներշիպը)» հետազոտության¹² համար շնորհում է քաղաքատնտեսության և վիճակագրության դոկտորի գիտական աստիճան: Գրքի վերնագիրն արդեն շատ բան է հուշում հեղինակի սոցիալական փրկիսոփայության և նրա տնտեսական ծրագրի ուղեգծերի մասին: Ընդհանրապես, նկատում է Վ. Տոտոմյանցը, տնտեսական ձևերի հաջորդափոխությունը բարդ ու երկարատև է վոլյուցիոն պրոցես է, հնի և նորի տարրերը սինթեզող բազմաթիվ ձևերի միջնորդվածություն: «Տնտեսական կազմակերպության ձևերը բարդ են, բազմազան, — գրում է նա, — և գտնվում են մեկը մյուսի հետ հաջորդական կապի մեջ: Ինչպես որ բուսական աշխարհից կենդանականին անցումը կատարվում է մի շարք միջանկյալ ձևերով, որոնց դժվար է ասել բույս է դա, թե կենդանի, այնպես էլ տնտեսական կյանքում առկա են բազմաթիվ անորոշ ձևեր, որոնց ըստ սեփական հայեցողության կարելի է դասել այս կամ այն կատեգորիային»¹³: Իսկ քանի որ հասարակության պատմությունը տնտեսաձևերի հաջորդափոխության, դրանց կատարելագործման պատմություն է, ուստի և նոր տնտեսաձևերը մեկուսացած իրողություններ չեն և հաճախ դրանց նախատիպերը կարելի է հանդիպել հասարակության վաղ շրջաններում՝ ամենատարբեր ձևերով: Այս իմաստով էլ նա շահույթին մասնակցության սիստեմի և դրա կատարելագործված ձևի՝ կոպարտներշիպի, ինչ-ինչ տարրեր փնտրում էր և՛ հռոմեական կայսրության, և՛ միջնադարյան Եվրոպայի հողագործության մեջ, դրանց առկայությունը հաստատող վկայակոչումներ անելով Ֆ. Բենեդիկտ, Ա. Յունգից, Ա. Սմիթից, Ս. Սիսմոնդուից և այլ հեղինակներից: Սակայն, ըստ նրա, եթե վաղ շրջանի մասնակցության սիստեմը խարսխված էր բնատնտեսության վրա, ապա ժամանակակից ձևերն իրենց հիմքում ունեն կապիտալիստական տնտեսությունը: Ընդհանրությունն այն է, որ երկուսն էլ ենթադրում են արտադրողներին սեփականատեր դարձնելու փորձեր¹⁴:

Վ. Տոտոմյանցը հակված չէր ընդունելու սոցիալական այն հայեցողությունը, ըստ որի հակամարտություններն ու բռնությունները հասարակության մշտական ուղեկիցներն են: Հենվելով Փարիզի «Առաջավոր փորձի փոխանակման միջազգային ինստիտուտի» սոցիալական հարցումների վրա, վկայակոչումներ անելով գերմանացի սոցիոլոգ Ռադենհոֆերից, ֆրանսիացիներ Ս. Նովիկովից, Ե. Ռիշեից, ավստրիական «էթիկական ընկերության» անդամ Վ. Բերներից՝ նա հանգում է մեթոդոլոգիական ուղեցույց ակնկալող այն հետևության, ըստ որի «ուժի և բռնության մեծագույն դերը ժամանակավոր է և պետք է աստիճանաբար իր տեղը զիջի փոխադարձ հարաբերությունների խաղաղ ձևերին»¹⁵:

Հարցի այսպիսի դրվածքը ոչ միայն նոր է, այլև իր էությամբ աղերսներ ունի սոցիալիստական մտքի սյուպիսի ներկայացուցիչների հայեցողության հետ, ինչպիսիք են Սեն-Սիմոնը (որն աշխատանքի և կապիտալի հակասության որևէ հիմք չէր տեսնում), Ե. Ֆուրյեն (որը միություն էր առաջարկում աշխատանքի, կապիտալի և տաղանդի միջև), Լ. Բլանը (որը նույնիսկ ամենաչափավոր ձևով դասակարգային պայքարը չէր դիտում որպես բանվորների վիճակի բարելավման միջոց): Այն ընդհանուր կետը, որում վերոհիշյալ հեղինակները միավորվում են Վ. Տոտոմյանցի հասարակահայեցողության մեջ, դա հասարակական վերակառուցման ռեֆորմատորական նպատակներն են: Ինչպես հայտնի է, վերջիններիս իրականացման առումով նա կարևոր տեղ էր հատկացնում կոպարտիստիկ հաստատություններին: Սակայն նրա կաբժիքով առավել բարձրագույն ձևը բանվորների մասնակցությունն է շահույթներին և կոպարտ-

¹² Գրքի 1919 թ. երկրորդ հրատարակության առաջաբանում խմբագրությունը թեև չի կիսում հեղինակի՝ տնտեսական եզրահանգումները, այնուամենայնիվ, դրա՝ հետաքրքրական է դիտում հարցի պատմության և փաստական նյութի համակարգման առումով (В. Ф. Тотомиянц, Участие в прибыли и рабочее акционерство, М., 1919, с. X).

¹³ В. Ф. Тотомиянц, Примирение труда с капиталом, Берлин, 1923, с. 60.

¹⁴ Նույն տեղում, էջ 9—12:

¹⁵ Նույն տեղում, էջ 27:

ներշնչվել, որը ենթադրում է ոչ միայն բանվորների մասնակցությունը շահույթին, այլև ձեռնարկատիրության իրականացումը¹⁶։

Մասնակցության սխտեմի կարևորությունը և նրա անհրաժեշտության հիմնավորման առումով Վ. Տոտոմյանցն առաջնությունը հատկացնում էր անդլիացի մաթեմատիկոս և տնտեսագետ Ջարլզ Բերիշին (հետագայում հարցի տեսական մշակմանն այս կամ այն չափով անդրադարձել են Ս. Սիսմոնդին, Զ. Միլը, Տ. Տորնտոնը, Ս. Զեվոնսը, Ժ. Գոդենը, Գ. Շմոլերը, Ա. Մարշալը, Լ. Պրայսը և շատ ուրիշներ)։ Այդ հեղինակների հայեցողությունը կարելի է ընդհանրացնել մի բանաձևամբ, որը Վ. Տոտոմյանցը կատարում է գերմանացի փիլիսոփա Ֆ. Պաուսենի «էթիկայի համակարգ» աշխատությունից արված այն վկայակոչումով, թե իբր շահույթին մասնակցության սխտեմն ու կոպարտներշնչվել կոչված են ամբողջապես վերակառուցելու գոյություն ունեցող դասակարգային հարաբերությունների ողջ համակարգը¹⁷։

Վ. Տոտոմյանցի գնահատումներն ու վկայակոչումները բացահայտում են նրա հայացքների ուղղությունն ու չափանիշները, որոնց վրա խարսխված է նրա սոցիալական դավանանքը։

Ժամանակի առանձին գիտնականներ հակառակ փաստարկներով փորձում էին ցույց տալ մասնակցության սխտեմի ներքին հակասականությունը։ Մասնավորապես Գ. Ֆրոմերը գտնում էր, որ այն ոչ թե ձեռնարկատիրության նոր ձև է, այլ լուկ աշխատավարձի, որը կարող է օգտագործվել ամեն մի ձեռնարկության մեջ և որն ունի ոչ թե իրավական, այլ բարեգործական բնույթ և բանվորներին որոշ մասի համար արիստոկրատական միտում։ Այլ հեղինակներ այն կարծիքին էին, որ մասնակցության սխտեմն առավել նպատակահարմար է օգտագործել արհեստագործական տիպի ձեռնարկություններում, ուր կապիտալի բաժինը փոքր է, քանի որ խոշոր ձեռնարկություններում հնարավոր չէ ճիշտ որոշել աշխատանքին մասնակցությանը համապատասխան շահույթի չափը։ Մի երրորդ կարծիք մասնակցության սխտեմը չէր դիտում որպես գործադուլները վերացնելու և ընդհանրապես սոցիալական ներհակություններ մեղմելու հիմնավոր միջոց և այլն։ Եվ բոլոր այն դեպքերում, երբ այս կամ այն հեղինակը որևէ բացասական վերաբերմունք է հայտնում մասնակցության սխտեմի և կոպարտներշնչվելի վերաբերյալ, Վ. Տոտոմյանցը դրսևորում է գաղափարական տարածայնություն։ Չնայած շահույթներին մասնակցության սխտեմի և կոպարտներշնչվելի քննադատության վերաբերյալ մեր առարկություններին,— գրում է Վ. Տոտոմյանցը,— մենք շահույթին մասնակցությունը համարում ենք ոչ բավարար, իսկ կոպարտներշնչվել կամ բանվորական ակցիոններությունը՝ սոցիալական ռեֆորմի հղորդական միջոցներից լուկ մեկը։ Կոպարտներշնչվել, իհարկե, համադարման չի և սոցիալական բոլոր շարիքներից չի կարող բուժել։

Ասել, թե կոպարտներշնչվելի տարածվելով արդյունաբերական կյանքից ամեն մի թյուրիմացություն կվերանա՝ նույնպես չի կարելի։ Երբեմն տեսարաններ են բռնկվում նաև լավագույն ընտանիքներում։ Այնուհանդերձ կոպարտներշնչվելի կարող է մեծապես օժանդակել ձեռնարկատերերի և բանվորների միջև հարաբերությունների բարելավմանը։ Այդ հարաբերությունների լավացման առումով մի այլ, առավել հարմար արտաքին միջոց մարդկությունը դեռևս չի մտածել¹⁸։ Ակներև է, որ Վ. Տոտոմյանցը շահույթին մասնակցության սխտեմի և կոպարտներշնչվելի սկզբունքը ենթարկել է մի այնպիսի պայմանականության, որն ըստ էության բացառում է որևէ այլ հնարավոր միջոցի առկայությունը։ Իսկ երբ հասարակական այս կամ այն երևույթը բացարձակացվում է, ապա մյուս երևույթների վերլուծությունը ստանում է միակողմանի բնույթ՝ հարմարեցվելով ելակետային գաղափարին։ Թերևս դրանով պիտի բացատրել, որ Վ. Տոտոմյանցի մոտ տնտեսաձևերի հաջորդափոխությունը

¹⁶ Նույն տեղում, էջ 9։

¹⁷ Նույն տեղում, էջ 223—224։

¹⁸ Նույն տեղում, էջ 234։

ներկայացված է պարզադույն սխեմայի ձևով, որը դեռևս անցյալ դարի 50-ական թվականներին ուրվագծել էր Դ. Մացիանին՝ «ստորուկից դեպի ճորտություն, ճորտությունից վարձու բանվոր և վերջինից ազատ մասնակից»¹⁹։

Տնտեսաձևերի այս միագիծ ձևակերպումները չէին կարող չարտահայտվել նաև տնտեսաչափ կատեգորիաների վ. Տոտոմյանցի ըմբռնումներում։ Շահույթը դիտելով որպես երկու ուժերի՝ կապիտալի և աշխատանքի, գործողության արդյունք, նա միաժամանակ դրա գոյությունը պայմանավորում է այնպիսի գործոններով, ինչպիսիք են բնությունը, շուկայի վիճակը, նախորդ սերունդների հետևողական առաջընթացը, գիտական հայտնագործությունները, հումքի և մեքենաների մեջ մարմնացած այլ բանվորների աշխատանքը, մտավոր գործունեությունը և այլն։ Հազիվ թե քաղաքատնտեսության պատմության մեջ գտնվի որևէ ուղղություն, որի շերտերում հնարավոր չլինի տեղադրել վ. Տոտոմյանցի՝ շահույթի բացատրության այս կամ այն տեսակետը։ Հնդհանրապես շահույթի առաջացման ու եկամուտների բաշխման հարաբերությունների հարցը քաղաքատնտեսության պատմության հանգուցային խնդիրներից է, որը ստացել է տեսական բազմաթիվ հիմնավորումներ և լուծումներ։

Վ. Տոտոմյանցի հայեցողության մեջ ահա թե ինչպիսին է հարցի դրվածքը։ «Ժամանակակից տնտեսակարգում, — նկատում է նա. — շահույթը հանդիսանում է մի ամբողջ շարք գործոնների գործողության արդյունքը, գործոններ, որոնց մեջ ամենակատիվ տեղը պատկանում է բանվորի աշխատանքին և ձեռնարկատիրոջ տաղանդին։ Ժամանակակից խոշոր կապիտալիստական ձեռնարկություններում վճռական դերը խաղում են «արդյունաբերության կապիտանները»²⁰։ Այստեղից էլ արդեն հետևում է նրա այն տրամախոսությունը, թե «կապված ձեռնարկատիրոջ այնպիսի մեծ դերի հետ... նշանակալից վարձատրության կամ շահույթի մի մասին կապիտալիստի, կառավարչի, դիրեկտորի, կառավարչության անդամի, ինժեների և տեխնիկի իրավունքը չի կարող կասկածի տակ առնվել։ Չէ որ այդ շահույթը ստեղծվում է նրա ազմինիստրատիվ-առևտրական տաղանդով, նրա կատարելագործություններով ու հայտնագործություններով, և եթե նա որպես պարզեկատրություն վերցնում է շահույթի նշանակալից մասը. ապա դա արվում է ոչ թե ի հաշիվ աշխատանքի կամ հասարակության, այլ նրա կատարելագործություններով ու հայտնագործություններով ստեղծված արժեքների գումարից»²¹ և «երբ ձեռնարկատերը համընկնում է կապիտալիստի հետ. որը հաճախ է լինում, ապա վարձատրություն ավելի է մեծանում»²²։ Այսպիսին է տնտեսագետի հայեցողության տիրույթը, որը համընկնում է ինչպես XIX դ., այնպես էլ XX դ. սկզբի բուրժուական տնտեսագիտական մտքի չափանիշներին։

Հարցը թերևս այդպես էր դնում Զ. Միլը, ըստ որի, աշխատում են ինչպես բանվորները, այնպես էլ կապիտալիստները։ Այստեղից էլ արդեն այն եզրակացությունը, որ նրանցից յուրաքանչյուրը ստանում է իր բաժինը։ Բանն այն է, որ արհեստագործական բնույթի ձեռնարկություններում, իբրև արտադրության գործոնի, կապիտալի տեսակարար կշիռն ավելի փոքր է, քան աշխատանքինը։ Ուստի խոշոր ձեռնարկություններում, ուր մեծ է կապիտալի բաժինը, շատ է նաև կապիտալիստի ստացած շահույթը։ Հարցի դժվարությունն աշխատանքի չափի և շահույթի չափի չափակցելիության ճիշտ որոշման մեջ է։ Վ. Տոտոմյանցն առավել հինը և արդարության սկզբունքին համապատասխանողը համարում է շահույթի բաշխման այն կարգը, որն առաջարկում էր Ծ. Ֆուրբեն ֆալանստերների ներսում, ըստ որի $\frac{5}{12}$ մասը պետք է բաժին ընկնի աշխատանքին, $\frac{4}{12}$ -ը՝ կապիտալին և $\frac{3}{12}$ -ը՝ տաղանդին կամ «տեսական և պրակտիկ գիտելիքներով» օժտված մարդկանց։ Հարկ է նկատել, որ Ծ. Ֆուր-

19 Նույն տեղում, էջ 227։

20 Նույն տեղում, էջ 237։

21 Նույն տեղում, էջ 238։

22 Նույն տեղում։

յնի գաղափարներն իրենց հետևորդներն են ունեցել տարբեր երկրներում: Եղել են նաև դրանց իրականացման պրակտիկ ձեռնարկումներ, սակայն շատ քչերն են, որ «առանձնահատուկ բարենպաստ» պայմանների հետ կապված ունեցել են երկարատև ու կայուն հաջողություն²³: Աշխատանքների կազմակերպման բանվորական ակցիոներական ձևն էին ենթադրում նաև Ժ. Լեկլերի և Գ. Թոմսոնի ձեռնարկությունները, որոնց նկարագրերը հանգամանորեն տալիս է Վ. Տոտոմյանցը: Վերջինս համոզված էր, որ այդ սկզբունքներով աշխատող կոպարտները պետք է մեղ տանի արդյունաբերական կյանքի այնպիսի վերափոխմանը, որ այդ կյանքի բոլոր մասնակիցները կարողանային յուրացնել տնտեսական պայմանների ըմբռնումը, որ նրանք աշխատանքի արդյունքներում ունենային իրական մասնակցություն, որը աշխատավորությանը հնարավորություն կտար օգտվելու իր դարի քաղաքակրթության բոլոր բարիքներից... Որպեսզի կապիտալի վրա վերահսկողությունը, որն իրականացվում է գործարանում բանվորների կողմից, տա ռեալ արդյունքներ, անհրաժեշտ է, որ այն իրականացվի իբրև գործարանի ամբողջ բանվորական անձնակազմին պատկանող վերահսկողության մի մասի՝ ցածրից մինչև բարձրը և՛ բանվորները, և՛ ծառայողները, և՛ տասնորդները, և՛ ինժեներները, և՛ կառավարիչները— բոլորը պետք է միմյանց նայեն որպես ընդհանուր մեքենայի անհրաժեշտ և կարևոր մասերի, ընդհանուր շահերով²⁴: Իհարկե հարցադրումն ինքնին հետաքրքրական է, սակայն տնտեսական զարգացման իրական պրոցեսները չի արտացոլում: Լինելով սոցիալ-ռեֆորմիստ, Վ. Տոտոմյանցը նպատակ ուներ առանձին ձեռնարկություններում տնտեսական դեմոկրատիայի սկզբունքների արմատավորման միջոցով հասնելու կապիտալի և տնտեսության վրա համընդհանուր հասարակական վերահսկողության: Եվ եթե ավելացնենք այն հանգամանքը, որ Վ. Տոտոմյանցի կարծիքով կոոպերատիվներն իրենց տնտեսական գործունեության ընթացքում պետք է գործեն նույն մեթոդներով, ինչ և կապիտալիստական ձեռնարկությունները²⁵, ապա ականհրե է դառնում բանվորական ակցիոներության իրագործման ուսուպիական բովանդակությունը:

Հասարակական զարգացումը Վ. Տոտոմյանցի կարծիքով ենթադրում է տնտեսաձևերի դիալեկտիկական հաջորդափոխություն, որը, սակայն, չի բացառում նախորդ ձևերի որոշ տարրերի կրկնությունն ու պահպանումը, դրանց հետագա զարգացումը: Խոսքը վերաբերում է միջնադարյան ցեխային ոգու առանձին կողմերի վերածնությանը: Այս առումով էլ նա նկատում է, որ եթե կոպարտները ուղղորդվում չլարձնի դաստիարակչական կողմին և միայն սահմանափակվի նյութական գործոնով, ի դեմս շահույթների բանվորների մասնակցությանը, ապա այն կմնա լոկ որպես կապիտալիստական արդյունաբերական համակարգի ձևափոխված տեսակը, որը հազիվ թե որևէ էական նշանակություն ունենա: Հետևաբար, եզրակացնում է Վ. Տոտոմյանցը, «ոչ թե մասնակցությունը շահույթին ինքնին, այլ անցումն առավել արդարացի տնտեսական սխեմայի, որտեղ բոլորը ծառայում են մի ընդհանուր նպատակի և համերաշխորեն աշխատում են հանուն ընդհանուր բարեկեցության— այսպիսին է կոպարտները իսկ խնդիրը»:

Որոնք էին ցեխային սխեմայի բնորոշ գծերը: Նախ աշակերտին ծանոթացնում էին աշխատանքի ամենատարբեր պրոցեսներին՝ կապված տվյալ արհեստի հետ, այնպես որ ժամանակի ընթացքում ամեն մեկը կարող էր դառնալ վարպետ և ցեխի լիարժեք անդամ: Եվ երկրորդ՝ ցեխի անդամի աշխատանքի որակը ոչ թե անձնական հայեցողության, այլ ամբողջ ցեխի պատվի հարցն էր, այդ պատճառով էլ ցեխն ինքն էր պատժում վատ և անփութ աշխատանքի համար²⁶:

23 М. Зильберфарб, Социальная философия Шарля Фурье, М., 1964, с. 223.

24 В. Тотомиянц, Примирение труда с капиталом, с. 235.

25 В. Тотомиянц, Основы кооперации, Берлин, 1923, с. 48.

26 В. Ф. Тотомиянц, Примирение труда с капиталом, с. 236.

Յեխային կազմակերպությունների հանդեպ ունեցած վերաբերմունքի հարցում Վ. Տոտոմյանցը հիշեցնում է Ս. Նդիազարյանին, որը հակված էր գունազարդելու համբարական միությունները, որպես «պառապերիզմի դեմ փայլուն միջոցի», որպես «մրցակցությունից ազատ հավասարության ու եղբայրության կազմակերպությունների», որոնցում «դեմոկրատական ոգին ներծծված էր ներքին կյանքի բոլոր ոլորտները»²⁷։ Վ. Տոտոմյանցի համար կապիտալիզմի պայմաններում նույնատիպ կազմակերպություն էր կոպարտներշիպը, որը ոչ այլ ինչ էր, քան «ցեխային նոր սիստեմի» սկիզբը, որը, ըստ նրա, համապատասխանելով քաղաքակրթության ընթացքին, նպաստում էր բանվորների և ձեռնարկատերերի շահերի միաձուլմանը, վարձատրության շափը կախման մեջ էր դնում շահույթից, բանվորներն աստիճանաբար կդառնային ձեռնարկատերեր, կբարձրանար աշխատանքի արտադրողականությունը, կվերանային գործադուլները և դասակարգային ու սոցիալական ներհակությունների լուծումը կիրականացվեր ոչ թե բռնի, այլ խաղաղ մեթոդներով²⁸։

Տնտեսական տարբեր հարցերի Վ. Տոտոմյանցի մեկնաբանությունների վրա նկատելի է տնտեսագիտության պատմական դպրոցի և հատկապես նրա պատմաէթիկական թևի ամենանշանավոր ներկայացուցիչներից մեկի՝ Գ. Շմունցի ազդեցությունը, որին մի անգամ չէ, որ նա վկայակոչում է։ Գերմանացի տնտեսագետը պնդում էր, թե «աշխատանքի պրոբլեմը» կարելի է լուծել միայն սոցիալ-էթիկական պլանով և գտնում, որ ժամանակակից հասարակարգը ցնցումներից զերծ պահելու համար անհրաժեշտ է ցածր դասակարգերին մասնակից դարձնել առաջադիմության արդյունքներին, որում հոգեբանական և էթիկական գործոնները պակաս դեր չունեն, քան տնտեսականը²⁹։

Ինչպես ականերև է, Վ. Տոտոմյանցի հարցադրումներն ու վերլուծությունները համահունչն են դարասկզբի տնտեսագիտական մտքի կոոպերատիվ հայեցողության տեսական ուղեգծումներին։

ЭКОНОМИЧЕСКИЕ ВОЗЗРЕНИЯ ВААНА ТОТОМЯНЦА

Р. Н. САРИНЯН

Резюме

Ваан Тотомянц является одним из известных представителей армянской экономической мысли начала века. Многочисленные работы о кооперации принесли широкое признание автору не только в России, но и в странах Европы. Он многократно обращался к социальным воззрениям утопистов-социалистов как представителей нового ассоциативного направления, в частности, к учению Фурье. Воззрения В. Тотомянца как социального реформатора созвучны учению Фурье в вопросах кооперативного движения.

Критический анализ воззрений В. Тотомянца об участии рабочих в прибылях вскрывает противоречивость его мировоззрения.

²⁷ С. А. Егiazаров, Исследования по истории учреждений в Закавказье, ч. II, Городские цехи, Казань, 1891, с. 59.

²⁸ В. Ф. Тотомянц, Примирение труда с капиталом, с. 242—249.

²⁹ Б. Селигмен, Основные течения современной экономической мысли, М., 1968, с. 30.